

**Pakatan pertimbang bawa usul pinda titah Agong berkaitan keputusan PRU13**  
**Malaysian Insider**  
**July 9 , 2013**  
**Oleh Md Izwan**

Pakatan Rakyat (PR) hari ini merancang membawa usul meminda titah Yang Di-Pertuan Agong berkaitan gesaan baginda supaya semua parti politik menerima keputusan pilihan raya umum ke-13 (PRU13).

Ketua Pembangkang, Datuk Seri Anwar Ibrahim (gambar), berkata langkah itu berikutan kedua-dua pihak termasuk Barisan Nasional (BN) dalam proses mengemukakan petisyen keputusan pilihan raya.

Berikutan itu, beliau berkata, tidak wajar jika mengatakan semua pihak menerima keputusan pilihan raya pada 5 Mei lalu.

"Kita ucapkan junjung kasih titah Tuanku, soal pilihan raya petisyen juga telah dikemukakan oleh kedua-dua Pakatan dan BN.

"Kita sedang mengkaji untuk kemuka pindaan kerana kita tidak fikir wajar usul titah diraja itu dimasukkan sokongan penuh terhadap keputusan PRU13," katanya pada sidang media di Parlimen hari ini. - 9 Julai, 2013.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/pakatan-pertimbang-bawa-usul-pinda-titah-agong-berkaitan-keputusan-pru13/>